

四庫全書

集部

欽定四庫全書

鄱陽五家集卷十

鄱陽史簡編

元葉蘭寓庵詩集二

五言古風

孔廟松風

東湖十景

峩峩孔祠陰嘉樹氣蕭爽涼飈發天末夕陰滌煩想清音雜絃歌鏗鏘振餘響憇息以忘言寂聽愜幽賞

顏亭荷雨

緬懷顏魯公古樹浸寒碧菡萏滿廻塘秋陰慘陳迹滴瀝葉上聲淒涼座間客盈盈矚凌波雲沉水溶夕

雙墳鈴音

雙塔凌青雲風鈴敲夜永幽響度寒水餘音亂秋景琳瑯合天籟百慮動深省聽之亦岑寂獨步招提境

兩堤柳色

兩堤漫湖水垂楊間垂柳夜泊後堤船朝飲前堤酒柔

枝舞艷陽蹄躡掉纖手落景無停暉秋風易衰朽

洲上百花

爛漫洲上花宛若美人好窈窕竊私歡迎新棄衰老借披桃李年合婚何草草芳心逐流波含淒動懷抱

湖中孤寺

清湖漾荒址廢寺古戰所昔人較龍驤洪波混樓櫓烈雄武威寂寞委黃土野逕蔓寒藤饑鳶泣風雨

薦福茶煙

跨虎入禪林談空合幽契掃葉煮山茗香芬遞涼吹野
火明秋雲氤氳藹巒翠聯詩綴芳英石鼎記遺意

新橋酒旆

朱橋烜長虹列館貰春酒華姬笑當鑪飲客環座牖先
醇後復薄適味忘醉口東風旆搖搖相呼莫回首

松關暮雪

松陰暝重關嚴風颶餘雪山昏息飛羽路冷人跡滅黃
雲斂晴暉疎林響寒葉沈吟獨徘徊行行意淒切

芝嶠晴雲

英英山中雲雲深迷遠道山人入雲中鉏雲種芝草
燧芝草華雲根歲時好採掇和雲殮療饑卧雲島

六歌

有客還故都
鬢髮秋蕭疎
微名棄敝屣
薄業荷長鋤
親朋老來盡
廬屋亂中除
嗚呼慟幽戚
行行重踟蹰

有弟榮與奢
在彼天之涯
春蘭披故葉
夏蕙艷芳葩
秋芷含晚香
冬蓀吐寒芽
嗚呼緣根本
奈何異其華

有妹在遠方適從蔡家郎浣苧鑑水陰採桑越山陽三年別夫婿一年喪姑嫜嗚呼生與死念之魂夢長

有婦淑且柔怡貧春復秋幽閨事女職中饋奉夫儔胡為蚕云逝冥渺曷以求嗚呼蓄餘思銜悲淚如流

有子值家貧冠昏及良辰樹業惜流晷豈不辛與勤書無古時跡我無古時身嗚呼究前軌貽訓垂後人

有女今已笄六親征嫁時富貴諒難恃貧窮固其宜所存具雞犬許得相追隨嗚呼婦人行節義在無虧

種菜

清晨荷長鋤種我園中疏膏土滋春雨青苗日將舒饑
腸得充實貧居常宴如攜筐命僮稚出門重踟蹰好摘
枝下葉毋傷根上蘆達人懷遠心卒歲思有餘

甘道士守素齋

齋居守空素悠然澹無心寂寂抱幽獨逍遙散清襟棲
息絕囂雜潛跡樂園林絃琴時與奏壺觴自重斟山雲
白渺渺溪水碧沈沈曠茲千載恨顧景歎流陰太古日

云薄淳風邈難尋神交在所契足以慰知音

無衣

商飈漸淒厲遊子行異鄉單衣碎締綯敗絮思故箱素
心無苟得饑寒亦其常窮途謾踟蹰瞻景興感傷駢駢
馬上兒灼灼樓中娼華服美紋綵蝶競鴛鴦孰云事
機杼工竭心與腸匪德竊世祿胡以為輝光萬古惟黔
婁斯人今已亡

繼善堂為萬德亨賦

南州有甲第富貴難比數盛極忽衰謝賓散忘舊伍苔
階啄鳥雀花亭歇歌舞頽垣曠四鄰嬌姬泣風雨矚彼
萬竹坡幽居在林塢綠陰生夏涼龍葱雜佳樹棲息惟
所安故業傳爾祖左圖復右史藻鑑傳高古微食委文
藝悠然樂鄉土予聞重慨歎潛思一揮塵

鐵山行

旅行鐵山巔崖壁勢如截虎豹號我傍莽徑人跡滅浮
雲暝重陰寒風颶餘雪杖策涉冰渠肌膚凍流血程邁

力莫前日入苦饑渴去去懷幼離家鄉久違別空惟忘
內慈念之五情熱薄運何孔艱銜悽孰能說

題黃廷玉同知晚翠軒

晚翠銘崇軒貴自人以得芳葩委時艷古木凝歲色悠
然君子心寒暑焉可易余昔偕茲名清歡構幽室華楹
列兩旁簪組冠賓席譽聲震中吳雅藝隨所出陳基善
屬文黼藻勒金石子氏經百家問難無不識錢介書獨
精貫帖探古跡草與懷素同真奪二王筆酒者楊維楨

酣吹鐵為笛著述千萬言鯨胸吞太白後山高啓來詩
鳴遏強敵摘句排陰鏗行歌効張籍羣飛一分離追舊
盡淪沒秋風一夕悲遐思轉岑寂學士今奔波中結動
悲戚桓桓黃信州遲遇揚美德堅操勗素姿令業終遠
積暮登瑯琊臺矯首履寒蹟沈吟重徘徊崇陰藹餘碧

題錢塘畫郭璞山圖

郭璞環羣山士生獻文茂葺居探古跡採鑿極營構瀟
灑謝塵囂畫景障窮陋錢塘吳越裔華姿勗竒秀弄墨

破鴻濛揮灑合昏晝高堂愜遠趣迴薄羅佳岫重雲暝
太陰飛瀑凝寒溜幽樹雜衆芳危橋貫長堠舒神動逸
興賞翫聆清奏詩聯續餘章銘書記周籀

東居鑑上簡王廷實先生

浮雲散微雨虛室生瀟爽林木藹寒綠幽禽弄餘響境
偏謝喧雜心靜興遠想關山路迢遙江湖波浩蕩行行
匪所知宇宙一何廣履險念平陸耽樂終悵快芳姿難
再妍時序日已往何如飲美酒春光正堪賞相交絕冠

蓋會聚燕鄉黨壺觴自斟酌列坐論少長一醉復奚為
悠然謝塵鞅

答徐叔度

挾書走南北未遂慷慨心縱橫揮六合一唱諧知音先
王重刑典履道暝幽尋英年昔美麗娛遊過吳林灑染
翰墨場高談豁清襟慈堂慶齡算芳萱樹春陰歡榮繼
衰謝樂極終哀深人生忽飄散白首悲浮沈逶迤隔江
漢瞻憶徒登臨棲遲戀故曲會合聯溪尋興言涉遠跡

老氣今蕭森潛鱗依舊沼倦羽還幽岑物性尚怡逸感
茲意難禁危名貴勇退薄宦宜投簪歸休入鄉社濁醞
堪窮吟

廣信道中別萬益謙鄉老

徂征歲云宴雪霰零暮寒逶迤邁行役遠涉胡為難暝
昏憇所息斂策棲門端主迎慰遠問賓階序文翰劇談
識鄉里宿契銘金蘭追舊盡遺老灑涕興哀酸徘徊倒
中素掩戚還餘歡會合諒勿苟離筵且加餐芳蔬薦春

餞華蠟
明夜盤雅酌
逸清趣
情酣以忘闌
顧容覺衰謝
流光若飛湍
久喧欲潛寂
勞者思其安
理道固當遺
益誨何迷漫
分離重再拜
明發瞻青巒

贈鄉人孫友讓

息交遊
俠兒委絕倡
優女雖慰眼前歡
追悔曷云止走
馬上五陵鬪
雞入三市買笑傾
黃金徵歌散
華綺紛紛
盡同心
靡靡悉知已
囊空義遂歇
胡得共生死
管鮑去不回
惜哉今已矣

松巖幽居

幽居構林壑景序暢遊寓簡牘綴餘篇文英樂清聚軒
窻豁瀟灑島徑疊迴顧蒼松日龍葱環圍盡嘉樹涼飈
諧雅奏白晝暝寒霧謝喧興遠思淡默適佳趣懷茲貞
素心悠悠託遲暮

題注中允鄧山舊隱圖

遊子遠行邁征途修且長揚舲淛水陰肅駕楚山陽綰
綬仕明朝青春足徜徉驅馳靡終極奄息思舊鄉悠悠

園廬下松菊日荒涼遐瞻雲縹渺探跡路微茫丈夫貴
激烈逝景無迴光歸榮耀錦衣晚業播餘芳

答清碧上人雪中見寄

朔風遞餘霰的歷敲蓬屋寒厲布衣單懷饑罄秋穀爐
燄吐微紅林影迷故綠徘徊衝所思索處慨幽獨忽感
雲中書佳言重金玉

飲吳漢臣江居

雪霽發清眺集燕城東屋野摘薦佳蔬溪春具新穀天

暝雲氣黃冰凝水痕綠客醉謝餘歡人間坐岑獨佩德
懷馨香臨風嗅梅玉

畫扇

空齋畫團扇封緘贈幽人秋風棄揮拂所用諒無因炎
寒易流序變態那足陳雅趣羿澹泊屬物示殷勤竹以
操其節漆以固其親願言長所思勗守隨天真

贈楊文舉

徵書召晦跡行行戒徂征五星耀東井羣賢集天京盛

運貴文衡選萃得其英白髮映錦服遐齡播嘉名雄談
薄侯伯神若楚水清紐印歸故邑榮辱忘所驚簾垂公
館靜賓階苔蘚生讀書坐秋夜義訓戒諸嬰澹泊守中
素飭哉重高情

話昔簡錢朝陽方有若杞楚材

楚人問楚狂狂也答行藏束髮別鄉里出遊文墨場揚
帆渡北海驅馬登太行迢迢千里道壯志橫四方去趙
入幽燕傾都喜材良三省辟為吏兩監薦為郎奏書呈

閟草掌禮繫鳴璫東宮及南館朝暮覲清光賜衣綴紫
鳳禁鸞割黃羊下御恩與寵上祝堯與湯樂彼盛明時
興言聊具揚

幽居

幽居聽風雨淅瀝敲蓬茨閒情適澹泊荏苒委芳時靜
閱几上帙饑採園中葵同心各異處默默懷所思

贈施茂異

青燈燦華館樂茲更漏長雖云俱客裏音語喜同鄉意

合具清燕羅列杯與觴酒酣展圖畫前賢鑒明唐河圖
運良機錯落星宿光追慕慨古今墨跡記流芳興言勉
諸傑後生那可量

送畢景昌之衡州同知

臨晨開重關悠悠車馬度喧嘈語行人祖餞簇如雨旌
旆耀平沙壺觴燕芳樹離羣豈無言黽勉在衷素寒波
渺湘雲幽蘭藹衡渚丈夫鍾令姿相交託遲暮

送金文振還松江

九峯何龍葱迢遙海東隅羨茲佳山水英華毓文儒金
侯首羣彥清思澄冰壺遠懷伯仲情慰問來長途合歡
復戒別行行重踟蹰雲間有飛鳥江中有遊魚勿以良
會難尺素頻為書

送周叔彬廣文之京

征車轉雙輪悠悠道傍路離羣惜餘情徘徊倦遲暮遐
思曠昔遊新歸念鄉故會合偕老蒼歡娛集平素勗哉
鍾遠姿徵書促飛羽晨發覲清光金門展高步感激貴

前行軒騰重迴顧載言壽華觴名修業兼樹

感知

窮居歎幅仄遐思發徂征悠悠出東郭慘戚銜餘情士友慰遠問集燕暫延停酒酣氣慷慨高義百金輕神交在所知傾蓋如平生揚舲涉大渚徘徊矚鄉城白雲天渺渺綠水波澄澄丈夫雖有為空談謾縱橫委身悞文墨別業自經營射利走川陸衰謝愧無成

送洪府判

門有車馬客祖餞歸故園置酒且莫飲聽我歌一言憶
昔少年時雙雙似文鶴朝發韶山陽暮投漳水源壯心
多激烈揚翥恣飛騫固茲適離別會合難兩全丈夫在
知己戚惻復何宣涕泣沾衣裳五內為煩煎遠行重書
劄慰之寒與暄

挽故老豐汝霖

涼月照空山東風撼衰柳淒淒隴上墳埋沒歎吾友冥
漠隔大化人生豈長壽憶彼舊時歡無能共杯酒有子

世云足胡為促其後請鑒賢達士千古誰在否

示里中年少

富盛朋友集貧下骨肉疎骨肉豈行人背背富路衝黃
金迺何物而能驅智愚寵態鮮傾城私締忘捐軀蕩心
肆所志寧不爾踟蹰

題倪元鎮雲林圖寄胡鼎文同知

山水藹餘碧素月澄寒流離懷日耿耿去序何悠悠開
緘寫幽圖青燈夜重篝雲林悵遠趣木落吳江秋

毛安常慎思堂詩卷

古聖耀文典道之義與仁慨彼千載下澆風喪其淳厥人惟靜學勗業復修身淵默窮至理悠悠合天真克己養中素母為輕所陳

韋大使承顏堂

淮瀆揚澄波迢遙發千里有彼孝義門築構營故壘英英椿與萱灼灼華更美皎皎尚春暉悠悠足娛喜上堂問起居下堂具甘旨戲綵偕弟昆捧酌叙妻子追思舊

時歡遐景若逝水偶影獨彷徨昔人今已矣音容既冥
漠往冉嗟歲紀素帷掩空塵戚惻曷云已感茲復踟蹰

哀歌述銘誄

靈巖友人觀空閣詩卷

高樓構靈巖逶迤肅禪境鐘韻遞上方百慮動深省憩
息自怡神機忘心亦靜遠睇豁大荒虛明絕纖影山僧
愛野客幽坐秋雲冷渴飲饑即餐淡然延壽永相對兩
忘言皎月在東嶺

樂平朱信可源清樓詩卷

清泉出高源，源高流更長。
君子貴以德，厥裔保其昌。
矚彼山中人，幽居自徜徉。
構樓瞰流水，嵐藹鬱蒼蒼。
讀書坐北牖，觀稼涉南塘。
儒冠導龐俗，農服無華裝。
牛羊散壠畝，機杼鳴村莊。
武陵跡遐遠，挹秀繼其芳。
感茲發長慨，寫之詠歌章。

朱至善樗木軒卷

樗木藹繁陰，春林日扶疎。
樵斤與之棄，青葱覆幽居。

居有高人日讀聖賢書索處守澹泊素志常晏如饑來
念卒歲田中荷長鋤劬勞倚樗木憩息暫踟蹰悠然寓
其操淳風還太初

題王庭實樂窩詩卷

人生貴所安歡娛戀鄉土親朋燕文座壺觴日相聚矚
彼行路難險邁辛且苦巢鵠知天風穴蟻知天雨志士
在怡神幽棲處巖塢長歌發清嘯逍遙散襟宇

居鑑上舊地謝章復齋方若庵見訪

倦遊歎飄泊山川邁幽尋局促若窮猿悲栖願投林歸
休息舊里構屋楚江濤南翁惠之酒西老賜之金慨想
少陵時偕友浣花陰寥寥千載下足以慰知音

送湯景思

飲酒莫盡醉盡醉無餘歡送客莫作別作別多慘顏分
離胡足惜惟恐會時難丈夫貴相知懷此長恨端贈以
金絡索報之玉連環懸佩各在腰行遠欲盤桓娟娟千
里心母為忘歲寒

題宋天章桐岡小隱

桐陰藹餘碧蕭疎映崇岡涼飈蕩秋葉樹實辭妍芳朱
鸞倦飲啄幽棲自騰翔晚景斂寒寂徘徊隱青蒼雲軒
昂遠趣刷羽鳴朝陽

蔡宗元梅溪小隱

霜月凝素華疎煙澹寒流皎皎冰玉姿灑灑林塘幽仄
影湛夕水微聲度輕颺臨湍愜幽賞孤芳信難儔無忘
貞白心託根老巖邱

同錢朝陽王友成燕杞楚材文閣分韻

瓊林燕清歡談玄飲佳爵瀛洲春盎沃壺天盡餘樂怡
神合醉態詩工韻愈博芳樽倒雙玉淋漓酒高作

客行

羣雞號曙色關門動徂征驅車拂霜露河漢尚輝明嚴
冬歲云晏遠涉難為情感茲兒女戚徘徊惄孤嬰新婚
合故禮冢後諧其成流光願以惜去去無延停予年漸
衰朽萎謝難敷榮倦行欲憩息饑寒迫餘生迢遙出鄉

間含悽淚如傾

煮石軒聯句

聯句非古也至韓退之孟貞曜筆力凌駕如山珍
海怪奇寶林立可謂偉傑卓絕千古者矣或謂貞
曜下退之學力遠甚聯句或過之恐韓潤色耳考
亭公云孟郊嘆了飽飯尋思到人不到處然則韓
孟相交益也洪武二十三年閏四月一日饒郡懶
雲鎦先生偕同里黃中齋楊景行上清黃振儀詣

煮石軒訪鍊師鎔孟通適余在坐喜為嘉會賦詩若干作書畫又若干及別去又賦聯句若干韻林泉幽雅談笑交集足以想見一時名流之勝蓋懶雲辭鋒筆槊湧如懸河予素下伏不敢申喙勉強策駕率弊以續楮尾是亦盛事也吁朋友從遊之樂安知古非今歟遂賦鄙作錄似諸公潤色亦交相益之幸懶雲宗匠在焉有望所教也寓庵葉楚

庭識

覽勝涉幽境城市閭林泉延英分半榻誅茅營一椽騎
聯天上客鶴引洞中仙竒談窮渺渺妙理極玄玄煮石
飽長日燒丹壽永年學須磨共琢道合聖與賢南山悲
甯戚北渚問張騫移根求楚璞種子得藍田鑿硬碎冰
屑製軟授春棉雖棄庖厨內當呈俎豆前洪鑪恣鍛鍊
高鼎任烹煎水紋湧碧藻火談綻紅蓮蚓喙咿鳴叫蟾
腹婆娑眠靈光貫夜月爽氣凝秋煙曉巖堆重器磊落
薦芳筵類芋凍芽吐如瓜霜蒂懸餐玉潤腸胃辟穀渴

津涎夢託疑飛蝶形逃若蛻蟬澹泊罔調味輕重自持
權怪禽謾填海神媧空補天法闕黃庭訣文窺紫府編
叱羊時隱見化燕羽蹁躚落星留古跡縮地云先傳嘗
存烈士志寧施小兒拳斗筭量豈盡邱山勢莫遷危立
慎險峻卑處守真堅侶盟蓬島裏師授圮橋邊固貞虛
清素充饑卻腥羶靜修寒徹骨拙養雪盈顛低頭拜其
文默語不復宣

七言古風

小姑謠

小姑今年十五餘幼小只依兄嫂居爺娘愛惜不肯嫁
婀娜一朶紅芙蓉大嫂含笑向小姑小姑今年當嫁夫
嫁夫當嫁田家兒莫貪滿屋金與珠不見東家樓上女
去年嫁作商人婦良人遠歿招魂歸日日靈前哭如雨
今年再嫁花娉婷車馬滿街相送迎寧為泉下守義鬼
如何失節猶貪生田家種田雖苦辛百年貧賤可終身
荆釵布裙灰土面小姑歸來好相見

羣仙圖

蓬萊高高有神仙
雲崖石磴難躋攀
仙蹤縹渺不可覓
喜茲一見畫圖間
霞衣爛爛二三老
皓首龐眉顏色好
水邊引鶴看碧桃
洞口呼童掃瑤草
爾翁心醉亦忘然
醉來棋著樂壺天
何能載拜授玄訣
共養林泉草木年

溪塘行

廉纖梅雨溪塘晚
新綠粼粼水平滿
鯉魚吹浪逐羣來
荷葉抽錢荻芽短
村林深沈三五家
黃茅蓋屋蘆為笆

埠前泊船通遠市見客招呼來喫茶阿翁捕魚婆買酒
白髮團藥老相守我儂年少今亦翁空自遠遊西復東

靈山行

靈山峻嶒嶺西路上山清晨下山暮草履俱穿足力微
欲過前村不能渡荒岡有虎夜莫行行人勸我家住
茅簷松火照寒雲木葉重重響風雨野翁慰客多辛苦
開酒烹雞飯新黍為言棧道轉崎嶇明日呼兒送君去

商人怨

少年方纔二十五筋骨剛強健如虎關山萬里長夜行
風雨何曾怕辛苦南州作賈北州商歸來囊篋懷所將
如今眼暗脚無力龍鍾歎息還家鄉買臣之妻季子嫂
自古淒涼都不好空牀卧病兒女嫌人生最苦貧且老

南鄰老翁歎

閨房却憶少年時夫妻宛轉情相宜雙行花階種萱草
青春二八早生兒兒啼銀盆浴蘭水滿家見者誰不喜
朝來抱出拜舅姑愛似明珠更無比即今父老子生孫

舊時能得幾人存北邙荒塚卧孤兔黃昏燐火遊孤魂
世人惟思兒女好寒食清明圖祭掃請看南鄰白髮翁
有子纍纍長不飽

茅山道人歌

朝春麥米饑作餐少年辛苦貧亦歡人家反背不同力
白頭躡躅長悲歎湖州青銅鑄明鏡不照人心空照影
翁不見茅山道人麻布衣捨身出家終不歸

鬼婦謠

漢家邊城長殺戮原頭牧馬車中宿婦人粧束伴軍行
子棄夫亡阿誰哭少年嫁逐東西家芳心婀娜如春花
自憐李陵不肯死明妃空怨彈琵琶夜半羅幃思舊愛
夢裏相逢宛如在慚媿當初結髮時合歡猶有鴛鴦帶
君不聞白頭老嫗又重婚眼前世事都莫論

東園老人種菜歌

晉家石崇珠百石百味珍羞方丈食可憐富貴難久長
却把高門鎖空宅唐家鄭虔空讀書家無僮僕出無車

日羅太倉五升米
淒淒在世將何為
看來愛殺東園老
栽種東園終日好
眼前兒女笑團欒
間把長鋤斸荒草
春林筍長蕨抽芽
茹姜出市菜生花
雕胡作羹芋作飯
薦新先得嘗王瓜
東園老人樂無極
生計尋常足衣食
我生躊躇漸龍鍾
撫卷長歌長太息

歎歌行

簷前野鵠聲嘎嘎是箇爭看欣且樂
路邊慈烏飛避人行者見逐聽者嗔
鵠踏花枝交羽翼烏遙寒巢哺雛食

雙雙野鵠雄與雌笑爾啞啞烏引兒翁不見世人好惡
誰能識對面相看言不得

秋郭飲餞三逕蔣先生

楊柳垂垂秋影碧畫掩閒門斷行跡故人攜酒忽相過
邀飲沙頭辭遠客人生聚散豈尋常衆賓各醉盡壺觴
悲歌慷慨白日晚別恨其如流水長公乎浪遊何草草
馬蹄踏遍關山道眼看富貴若浮雲昨日少年今日老
秋風蕭颼八月寒客中千萬善加餐此行倘遇南來使

好寫歸期以報安

田家行

風雨行行衣盡濕夜宿田家纔趨食田家路僻少人行
見我偏憐遠鄉客老翁拭桌羅酒漿抱孫同坐妻在傍
地鑪撥火煨芋栗閉門莫出燒松光醉來就向牀頭卧
大兒唱歌小兒和我儂辛苦空讀書何似田家作田過

醉中歌謝王景行先生

王郎茂才年最小笑我龍鍾貧且老眼空四海百金輕

一見相知即傾倒北郭驅兒買綠酒中厨喚婦烹黃雞
醉來慷慨歌激烈壯懷樂極生哀悲茅簷打頭破屋窄
青天高高那可梯王孫舊遊芳草滿處士新栽柳條短
閒居鳥雀識幽情唧唧啾啾白日晚自憐人號楚狂生
讀書寫字俱不成從今棄置常酩酊死來麴蘖封其名

單誼甫四明山水圖

我翁昔年遊甬東樓船跨海乘天風滄溟帖帖十萬里
赤鳥浴水金盤紅遨遊南方識誼甫清歡簇燕桃花渡

鮮饌香烹蘸甲螺妓樂歌呈柘枝舞酒酣意氣衝斗牛
高談磊落驚王侯風塵湏洞一分散自歎歲月空如流
江左郎官淵間客邂逅相逢話相識解鞍盤礴白雲城
舊事淒涼話胸臆短髮蕭蕭稱老夫先人之交今有無
摩挲病眼認蹤跡爛漫春光當畫圖

秋夜吟

蘭燈吐花綴金粟深屋嬌娘列燕玉歡催白日飲清宵
醉撥銀箏度新曲冰壺壓水秋遲遲暨儒翻書雙眼眵

酸風如箭射絲綸促織唧唧鳴聲悲

觀漲

江天四月雨如麻
柳林渰盡東西家
樹頭日暝曝雞犬
濕牀冷竈盤蟲蛇
浪紋層層風疊疊
菱荇牽絲蒲葉赤
街市新漲綠齊腰
伐木為牌作舟楫
白頭老翁江之隅
不種桑麻無屋廬
阿兒唱歌妻蕩槳
生涯長在水中居

田家行

樹頭撲撲亂鴉飛
小叔敲門昏晚歸
今年輸租足官布

機中餘剩有冬衣喚婦下厨兒宰鴨言語欣欣笑相答
阿婆點燈翁領孫長幼團欒舉杯酌君不見有身莫作
城市人分門割戶終日論錢高北斗誼若薄看來何似
田家貧

葉義士溪山錢別圖

瑯琊臺前逢楚郎少年面似紅玉光讀書學究唐陸贊
報仇憤比韓張良袖攜刀筆事官府豪氣似欲凌雲翔
諸侯交言薦邦郡徑騎匹馬來鄱陽鄱陽西行哭孤壘

江城環瀆沈秋水風濤澎湃鬪鯨鼈大劒長鎗血相指
曉叩薇垣奏九重夜傳羽檄來千里驅兵領將怒咆哮
且斬旄頭獻天子偃武歸休思故田拂衣却上信溪船
吳芮祠東酌別酒父老慷慨爭留連草色遙空暗楚雨
柳絲拽岸垂淮煙華姬緩歌度離曲銀箏調遏鳴哀絃
奉觴為壽復贈寄出門莫灑兒女淚古來竹帛耀勲名
壯士悠悠四方志浪跡縱橫天地間無使光陰等閒棄
芙蓉花發望歸期記此郵亭去時意

石港行

港邊高牆圍大屋鴟吻昂昂頭矗矗栱為柱兮桂為梁
綺戶紋窓耀人目玉樹朝朝捧繡筵綠珠夜夜捧金谷
尋常富貴若秋毫倏忽繁華滅殘燭君不見港邊鑼鼓
震天聞子女驚惶哭出門金珠玉帛厚豐積一朝抄籍
霍將軍百年自算無窮計怨死讎生滿天地後園種樹
未開花今者已屬他人家又不見港邊高高山上土鑿
石為墳立羊虎碑牌催折盡番磨家破家亡歎無主

長短句

送春曲寄張尚書

妾不如雙鴛鴦妾不如雙翡翠妾與春光最有情可奈
春光獨無意桃花笑春春欲去柳條挽春春不住妾貌
已作辭林花妾心已作沾泥絮

楚狂行送楚芳弟

江東楚狂長醉狂一雙青瞳秋水光雲夢之胸牛斗氣
二十束髮從戎行出門別父母抱藝遊四方四方悠悠

少相識客路淒涼倦行跡故衣線斷怯秋風矮屋打頭
天地窄吁嗟人生能幾何海水東去無迴波少年落落
不得志蕭搔短髮空蹉跎憤來拔劍歌激烈歌遏行雲
劍飛雪用盡牀頭金空存口中舌狂乎狂乎歸去兮造
物弄人如小兒

炎涼歌

世情重炎涼笑爾節操凌冰霜世情重金玉笑爾文章
空滿腹文章滿腹黃金少視爾形容甚微渺節操須堅

囊篋虛笑爾欲進尤趨趙君不見韓信未遇尤可憐丈
夫乞食漂母前一朝襲爵來三楚豈是鄉間狂少年古
人炎涼亦如此今人炎涼何足言又不見蘇秦東歸未
遇時妻不下機嫂不炊後懷六國黃金印弟兄妻嫂競
奔馳骨肉炎涼尚如此他人炎涼何足疑灼灼桃李花
春風能幾時蒼蒼松柏枝歲寒常自持古來成名多坎
坷男兒未遇焉可欺寄語紛紛輕薄子炎涼安得長如
斯

二狐吟

大姑朝行雲小姑暮行雨孤山曲曲多風波船來盡泊
山前住彭郎磯頭江水深水深照見行人心世人惡薄
苦難擬誰肯將心比江水上山祭姑還拜姑莫把平地
為險途

紫骝行

紫骝行且嘶送別綠楊堤解儂金絡索繫子錦障泥鞭
聲稍稍起塵霧相勸相留暫時住短歌唱徹杜韋娘高

筵醉倒丁都護馬駢駢路悠悠青衫從事懸吳鉤少年
努力當封侯

墨畫草蟲圖

正月春草生二月雷發聲百蟲起潛蟄唧唧籬下鳴蝦
蟆池頭野苗綠蠅蠅交盤蝎角觸蜻蜓點水蟻投穴蜂
惹遊絲蝶翻玉東風搖曳蝶飛飛夢蝶莊周身是非宣
和揮墨如蝶化落筆宛轉舒天機當時侍翰無蹤跡誰
留畫譜傳今昔我今一見重咨嗟滿紙神光照環璧

樂九成養思堂

樂先生孝且慈父母蚕歿惟孤兒煢煢雙淚垂見人父
母寧不悲少年不肯仕居鄉作儒師弟子三千人傳道
鳴詩書得錢薦新向月朔祭祀烝嘗禮四時躬親事俎
豆妻子不敢私養思有如此大義實無虧今人有父母
兄弟分食如犬麋又令父母長寒饑君不見烏反哺言
有之鴈臯喙母腦物性何兇危至今母子亦為依嗟哉
樂先生孝心天所知

見月行寄錢太守

見月復見月月圓圓復缺今夜中秋見月光照我容顏
舊時別憶昔小小初幼年紫羅結髻雙垂肩閒隨阿母
引兒戲見月拜月庭階前長來十五纔十六授業從師
居外宿漸知禮樂好詩書夜對月光長夜讀二十近相
將翹翔文墨場關山行見月壯志橫四方功名談笑當
黑頭氣冲牛斗輕公侯神遊仙闕廣寒殿醉卧揚州明
月樓人生得意每見月見月歡娛夜不休三十走兵馬

四十還江夏眼看富貴若浮雲歸種瓜田向村野行年
五十把鋤犁道邊莫問買臣妻古人今人盡如此惟有
明月天東西天東西月常好月色照中秋青天淨如掃
自憐白面月團團變作婆娑一衰老

划船歌

饒城雨晴五月五城中父老話鄉土少年結束賽划船
擊櫓謳歌健如虎但知划船樂不知划船苦魚腹葬忠
魂悲淒弔千古君不見楚城之東吳芮廟楚城之西陶

侃祠長江灣
灣在城下水流日夜無回時
昨日貌如花
今朝鬢成雪
人生忠孝死有名
世上繁華等閒絕
滄浪濯足共徘徊
歸捧蒲觴祭先烈

贈吳梓材

東山叫杜鵑
西山啼鷗鴟
遠道蹣跚馬蹄碎
瘴煙蠻雨行
長途去家日已久
相識無相知
卧病旅邸間
壯士心亦悲
白髮改故交
黃金空爾為
自憐吳子情最親
待我不獨如衆人
客窻挑燈夜
煮藥靈祠燒紙朝
禱神誓言

託生死報義那可忘落落哀管鮑悠悠淒范張世事從來盡如此古今聲名當播揚

田家謠

妻緝麻夫踏車轆轤展水聲咿啞旱風吹沙日照地今年何以輸公家城中太守齋告雨雨落滂沱水如注田疇得秋霖落雨如落金夫春糧妻織布夫婦殷勤了倉庫歸來喜雨喚兒孫道傍多種甘棠樹

補遺

五言古風

涼翠軒為程士敬賦

素月流清輝松陰暝寒綠嚴岡何逶迤崇巒抱平陸地
偏謝囂塵採蒼處幽獨碧烟凝露華真氣集雲屋靜學
勗遠姿奇葩綴文牘驚飈屬商音長歌步林麓

歲寒軒為孟德常作

孟鄰構幽棲庭深寡交謁陶琴張不彈漢書看還歇鶴
瘦巢雲松猿饑嚼梅雪詩寄軒中人歲寒並高潔

題江永昌所作夏雲欲雨圖

并序

余曩偕貞居張先生嘗遊錢塘南北二高峯或肩輿
或並轡遇是時夏雲欲雨林木垂陰欣賞清趣多在
村橋山崦之間今玩永昌茲畫追思舊遊恍如夢寐
輒賦鄙句聊興陳迹之歎也

嘉樹靄繁蔭羣峰晝蒼蒼凱風遞時雨重雲何渺茫曠
景追昔遊飛蓋憩林塘儕侶蘸清賞山水生輝光披圖
玩陳迹感慨無相忘

五言排律

和章復齋偕鄉老春日城東燕集三十韻

花柳滿城郭春朝候明起馬鳴入重關客至倒雙屣坐得交契謹言談無謳鄙尋芳問西園歡會過東里翫眺息幽棲翶翔動高跕平原集麾蓋險磴歇輪軌徑靄雲寥裳林陰露零几英英江海交故故冠蓋士激烈唾冰壺蕭搖據寒椅筆徑千人軍學貫百家氏掩鏡悲霜鬢張筵序年齒麝煙噴銅龍乳酒浮玉蟻聯席掇文華行

盤薦甘旨醯菹芝嶠麋鱠切鳳池鯉清賞獻肥膻嘉餐
美香餌青蔬園中葵紅果樹頭李看劍出吳鈎揮箋塗
越紙山居泊遠市野客葺故壘慨歎歎哀餘酣歌申樂
只銀箏遞琳瑯錦瑟調宮徵喜躍兒女心愁衝丈夫耳
形慚盛已衰興適汝為爾翠竹凝晚枝緋桃爛晨藥良
姿獨葱蘢嬌卉多旖旎崇望四皓同間遊二疏比徜徉
追往途繙戀曠流晷辭闕戾班行歸田謝榮耻迎逢今
已非矍鑠舊如此勲業傳奇名鄉間合知已披襟一長

嘯默對澹湖水

長短句古風

題漁樵閒話圖

王道夏商周便便如水流霸業漢唐宋悠悠幾番夢爭
如漁與樵無貶亦無褒採薪不必問梁棟釣魚何用求
鯨鼈饑餐渴飲笑開口人間萬事於我乎何有

題吳梓材雙檜堂

鄙江城東雙檜樹樹影團團障風雨上有慈鳥來作巢

共擇枝柯作振羽振羽雄雌尾畢逋飛來飛去喚復呼
自云託身喜得地巢存數子子生雛日出每樓羣玉府
夜飛不怕執金吾銜將葉裏冬青子還哺巢中頭白烏
住泊巢深兩喬木翠蓋雙長大如屋繁陰日日蔽黃鸝
香葉時時引鴻鵠鳥鳥及子子日夜來聚簇遶紅卧青
苔啄花飽紅玉爾烏日倘佯爾檜日葱蒼但願爾烏與
爾檜終古同壽無爾傷

東西二鄰歎

東鄰少年有錢不滿百終日駢闐接賓客西鄰老翁有
錢過百萬終日閉門常獨飯老翁一日問少年胡為賓
客日駢闐少年答云翁不知人生能得幾多時眼看青
春似流水牢鎖黃金付阿誰

詩餘

壽矢德賢青玉案

長庚夜現碧雲島喜初度今朝早屆壽把南山細禱功
名休問榮華莫顧眼底兒孫寶
長生不數如瓜棗看

黃花晚節香愈好白日高堂無事惱說清閒話唱太平
曲且把金樽倒

記

永福禪寺重修塔記

饒居大江之左土風勝槩素稱甲郡郡有禪寺七所而
永福為最也按其寺始建於梁之武帝天監元年壬午
帝弟鄱陽王恢母費氏瞽雙目王祈於佛有感復明遂
施宮為僧寺名之曰顯明蓋寺自恢舊制宮宇垣址周

圍達路至唐改曰隆興又曰大雲宋改永寧賜甘露以立戒壇天聖二年甲子寺遇天台山壽昌寺巡禮僧用言寶倫二大士乃於寺東厥土既良樹造佛塔一座浚地下及三十餘尺寶基二級上壘七層極頂屹立三十餘丈於是遠邇所瞻咸稱郡之有茲塔也元世祖十有三年丙子總管常侯福生以武功賜虎符而牧於饒食邑終養侯既老慕佛氏教凡寺之異居者三十有六侯收併律為禪遂斥大之凡營治百工並作越三年而成

率侯之力也侯首迎郡之天寧沃田厚禪師為開山第一祖主其寺侯致事之歲第二代雪村性禪師以甘露獻於朝改賜乾元萬壽永福禪寺且繼者皆名譽碩人往往卓為諸山之範也國初寺得雪村杞禪師居之甚能聖像佛典且有所賴也師來視寺塔傾修之未畢師寂而逝誠為有所失也明年郡之大夫士視永福大刹豈可久虛師位歟聞心燈紹禪師重厚有德有文宜禮而延之師不復辭於是來寺按寺自沃田厚禪師至心

鐙歷十有一代傳之幸無乏也心鐙由天蓋大刹領清
安而出住臨川之白揚盱江之法水悉彰彰有能聲迺
洪武十有四年來寺首葺千佛閣又一年率寺之耆舊
重修三門又次第莊嚴千手千眼菩薩捏塑如來等像
及鐘鼓樓百爾器備獨以佛塔年久頽弊非薄力之可
為也心鐙力勸耆舊善人議相克合以助其躬材良工
勤實其交慶咸際盛運仰祝皇圖億萬斯年切記寺之
本末事實併載茲時共緣之士庶幾後世有所知者郡

之文士章公復庵洪公善初來請文勒諸石郡人葉楚庭遂為之書

按是記叙次原委甚詳因憶鄱陽新修志書載筆者於永福寺獨詳註其下云梁書及南史鄱陽王受封即出鎮他州井未載有就國事捨宅為寺之說未詳何據今考記載此寺錫名於梁額曰顯明則不必拘泥其必就國必載史而始信其有是事也愚意古來受封名號與分封處所原自不同古今因革可以意

會可以類推若必指恢所封為鄱陽之王輒以鄱陽
土宇盡屬於恢則後世淮藩不應居饒陽益藩不應
居盱江矣況梁時諸州各建宮殿無非佞佛迄今天
下佛地皆稱蕭寺若必定為王所居之宮而捨之王
又何居焉今就寺言寺既知寺建自梁則當信其施
宮為寺之實不必辨其捨宅為寺之虛即以費后瞽
目祈禱有感之事推之一時普天之下所建宮殿未
必不假以為名君臣上下有祈有報亦莫不致其虔

心事佛之誠又何獨一鄱陽王之宅必捨之後世必
載之又必辨之而始為鄱志重哉此皆好異者不察
梁武施宮為寺之本謀而故神其說曰鄱陽王恢捨
宅為寺今日修史者又不察施宮捨宅二字之傳訛
復執此為斷作文辨之以著其考據之詳以証其諸
所立言之不僞愚以為此不過往古逸事耳闕疑可
也俯仰六十年來人物事蹟填入志內未詳何據者
甚多固當折衷攸在可曰見聞異辭秉筆君子唯唯

諾諾不聞駁而正之乃徒舍近而徵遠溯委而忘源
致令苗莠雜收真贗莫辨使前此為無徵不信之文
將後斯盡可愛則傳之事詢之黃髮聽之臚言尚有
未然孔子曰吾猶及史之闕文也孟子曰盡信書則
不如無書學孔孟者宜以此為法其他在所勿論可
也壬子七月初四日芝麓樵史簡偶讀先生塔記因
書管見以告知已

鄱陽五家集卷十

欽定四庫全書

集部

鄱陽五家集卷十二

詳校官監察御史臣孫家賢
主事銜臣徐以坤覆勘

總校官知縣臣繆琪

校對官中書臣高中

謄錄監生臣陳夢蘭

欽定四庫全書

鄱陽五家集卷十一

鄱陽史簡編

元葉懋僅存詩

七言近體

張天師素暉堂

天上仙人十二樓
綠煙九點飈神州
玉簫吹徹清都曉
黃鶴飛來白露秋
河漢橫空星緯逼
乾坤如水月波流

青蛇最憶冰壺夜雙袖西風拂斗牛

舊遊

武陵舊遊今幾年湖上春光還可憐千峯翠擁芙蓉髻
萬頃波浮畫鷁船楚女行雲出巫峽洞庭張樂動鈞天
何當與客攬吟轡喚取娥眉來酒邊

梅庄爲矢得賢賦

千樹梅花照眼明主翁詩思與同清雲裁野服迎春著
玉種高田帶雪畔柿葉滿窓書已遍松肪浮釀酒初成

扁舟莫動山陰興宣室承釐待賈生

七言古風

十臺懷古

姑蘇臺

丹楓月落霜淒淒
姑蘇城頭烏夜啼
閨闥門深野鹿走
屬鏤劍古蒼龍嘶
荒臺嵯峨數千古
曾見吳王醉歌舞
長江波浪壓鯨鼉
敵國烽塵凜貔虎
雲旗獵獵風雨秋
長戈指日青天愁
五湖煙水渺不極
清風獨羨鷁舟

章華臺

靈王築臺天下壯
金殿崔嵬九天上
咆哮問鼎出東郊
列國諸侯盡西向
荆南膏血原闕空雕簷百尺輝晴虹

十二珠簾捲秋色三千玉貌歌春風
春風有恨愁無極孤舟夢斷鄢城北
精靈夜逐蜀魂飛回首花容瘴煙黑

黃金臺

燕山古北秋嵯峨西風易水生寒波
昭王國耻昔未雪
衝冠怒髮飄長戈
千金築臺從隗始
四海風雲龍虎起

鐵馬朝開七十城檄書夕報三千里新王御極讒夫興
火牛迸出如流星燕齊反復恨不極碣石際海煙蕪青

朝陽臺

仙人乍拂朝陽臺碧波浸月芙蓉開曉日肌膚湛冰雪
秋雲羅韁生塵埃荆王好色輕楚國飛觀玲瓏起千尺
乾坤大夢一浮漚父子垂情兩昏惑楚江日落啼清猿
楚宮城闕空雲煙微臣宋玉骨已朽何人為賦招魂篇

鳳凰臺

鳳凰臺前江水碧鍾山石城草蕭瑟龍盤虎踞幾千年
鳳凰一去無消息青天日落波悠悠吳宮晉闕蒼煙浮
轆轤無聲冰井冷庭花露滴銅蟾秋長淮萬里青如黛
鶻沒天低渺蒼海鳳凰鳳凰招不來城郭人民竟誰在

戲馬臺

項王崛起窺王圖巖壑猛嘯千人蒐秦家天下相血視
長鎗大劍還相屠當年戲馬高臺下萬騎如雲蹴原野
關中赤燼氣成虹帳下悲歌淚盈把烏江波瀾秋聲悲

彭城草樹秋無輝漢祖長歌歸沛邑吾寧鬪智不鬪力

歌風臺

漢祖長歌起豐沛手握龍阿舞天籟風雲龍虎正橫戈
淮海波濤共澎湃火旗拂日天地赤白虎無聲素蛇泣
山河已拱帝王居魂魄猶思湯沐邑楚王垓下獨堪哀
楚歌四合悲風來千古興亡一長慨五陵松栢飛蒼埃

望思臺

漢武求仙惑山鬼仙人不來巫蠱起繡衣直指向人間

恩子宮成淚如水秋風慷慨歌樓船輪臺下詔猶淒然
省躬罪已恨不已窮兵黷武誇當年奸臣併誅方士息
戾園秋草淒淒碧功名獨羨富民侯高廟微言感胸臆

銅雀臺

炎丘無光冰井冷老臣側足窺漢鼎金仙夜泣玉盤空
銅雀秋飛銀漢永喬公二女俱絕色可憐不是臺中物
赤壁樓船烈火焚青泥閣道英雄出西陵草樹秋陰陰
分香賣履愁人心晴窓潑墨弄書史斷磚殘甓猶銷沉

凌敲臺

宋祖離宮三十六層臺突起江之曲清波湧月掛簾鉤
瑞氣凌空捲綃縠金輿萬乘東南行三千粉黛花冥冥
山色猶疑髻鬟綠天風吹斷簫韶聲蕭韶竟日喧歌舞
晉國宮亭半禾黍柴桑月落夜猿啼節士悲歌淚如雨

古樂府十四首

并序

古騷人韻士身處亂離未嘗不寓情於篇翰以發
其悲惋愁鬱之氣情激於中不能自己殆猶霜鐘

候管時至而聲氣自相鳴應者也余嘗讀屈原九
歌懷沙阮籍詠懷諸詩及杜少陵李太白秋風出
塞遠別離等作千古令人墮淚信乎聲詩之好其
感於人心之深者如此余生逢兵革今漸老矣適
丁其時顧思前賢經心閱目若合一契因取古題
作樂府一十四章歌之以寄其意或取其義於彼
而發興於此或感古以嗟今或詠歌其事而慷慨
憂傷有不能自己者雖詞意工拙不敢以擬古人

而其悲惋愁鬱之氣則不以今昔之殊而有異也
輯而錄之以識歲月云耳都陽葉懋謹序

九疑山行

君不見湘江之水秋沄沄鳳凰叫斷蒼梧雲
嬌娥慟哭幾千載竹間之淚猶紛紛夏王掩泣傷
黎兆簫韶不作乾坤老莘野孤兒泣槁桑首陽
餓骨埋秋草秋黯黯秋雲陰妖狐夜走猩猩
吟碧峯九點翠煙墨零陵古寥寥難尋南風
之琴竟何在湘江水濶愁如海

雙劍行

豐城日落煙霧濕真宰夜懸星斗泣鐵花繡蝕青蛇痕
惆悵無人識英物羣兇構逆天地荒雌雄氣黯蟾蜍光
八王紊政虧天紀台星夜墮霹靂死精神不隔雙雌雄
飛入幽潭卧秋水河清海晏三千年為君作雨米青天

古長城吟

春秋絕筆麒麟死長城萬里連雲起蒼生肉碎骨成塵
至今痛憶秦天子作橋望月窺蓬萊赤鳥夜照瑤琊臺

樓船採藥不知處鮑魚臭惡腥風來秦家城頭血猶紫
漢家還有征人鬼長城築築何時休舊秦已逝新秦留

天馬歌

渥洼水碧銀河清天駟降精龍馬生騰驤一躍起霄漢
赤汗亹亹珠流頰漢家天子真龍骨一見龍駒喜充臆
手攜玉塵上瑤池回首人間煙霧隔葉公畫龍不知龍
禰衡枉死清波中庸奴執策如刀匕自嗟不及駕駘死

鴻門宴

項王力戰如貔貅喑嗚叱咤千人愁范增意氣亦雄猛
風壑怒捲鯨竈秋鴻門設宴軍容整赤龍氣懾青蛇影
酒酣數目電光搖楚漢存亡一俄頃君不見周家種德
開王基秦王虎視誇雄威項王殘酷已如此范公好殺
將何為天摧地礲貔虎死赤龍自是真天子

滹沱河吟

滹沱河水揚波漢軍欲渡將如何王郎兵急河水濶河
水流澌冰未結陽侯一叱層冰起將軍飛渡滹沱水河

伯効靈人効節將軍渡河興帝業君不見昭陵石馬嘶
青冥八公草木皆神兵王澤厚天心靈天意自欲扶中
興雲臺閣上丹青手請君為寫滹沱水

清渭吟

蟠溪釣翁虬龍姿白髮照影秋如絲懷韜已副太公望
調鼎自是周王師功成拓國東海涘周室存亡兩終始
行藏用舍吾何求樂天知命吾何憂當年不兆非熊卜

白骨長埋渭川曲

吳江鐵馬行

漢江之水連天碧三國人材世無敵曹公兵法亞孫吳
赤壁樓船燧煙黑飛星散落天無雲鐵鎖截斷奔波傾
過險能同劔閣守鎮國未必踰長城石頭城下波搖月
東望長江正空濶吳兒醉飲自酣眠不知一夜樓船發

金銅仙人辭漢歌

秦王遣使登蓬萊海山不見樓船迴漢王自吸九霄露
凌空為築仙人臺仙人獨立霄漢頂俯視人間沸如鴟

武皇欲火正薰天一滴何曾酌清冷昆池既鑿魚龍開
滇國自獻真龍媒偷桃小兒誠戲謔青鳥未必瑤池來
茂林草樹秋蕭索火井冰寒厚三尺仙人辭漢出宮門
清淚如漸愁不得

牧羝行

陰山地冷無炎燠白草如霜木葉禿中郎仗節牧羣羝
嚙雪食氽土中宿朔方自昔風氣殊漣飲肉食如雄羆
周綱未得服玀狁漢綱自欲誅單于李陵不作男子死

上戮慈親下妻子荒臺白日送君歸握手河梁淚如水
董狐不作忠義薄孤兎羣行肆交惡先生不肯拜單于
赤心自照麒麟閣

華亭曲

九山蒼蒼海之陽山青海碧生鳳凰陸家兄弟雙兒郎
碧落萬里同翹翔鷹鷗啄人多害傷華亭夜鶴聲淒涼
君胡不遊歸故鄉君不見張留侯三世相韓報韓仇歸
来自伴赤松子一生出處何優游西風颯颯草鱸秋為

君一醉商聲謳

秦樓曲

君不見秦樓女吹簫學得鳳凰語天上仙人騎鳳來吹
簫共坐瓊瑤臺瓊瑤夜半霜如雪雙鳳高鳴思嗚咽曲
中共指雲霄路騎得雙鸞上天去雲窓霧閣重重吹
簫夜夜歡情濃銀河水枯滄海竭不學雙星有離別

雞鳴度闕曲

武王拓國稱多士宏散數公而已矣田文食客三千人

玉珮翩翩靸珠履一朝脫死逃秦來雞鳴喔喔函關開
歸來意氣真自負雞鳴狗盜俱賢材當時好俠諸公子
四國爭雄競奢侈君不見關內侯騎都尉販繪屠狗英
雄起羊胃羊腸總如此雞鳴狗盜出君門巖壑布衣甘
老死

淮陰詞

君不見漢王之心何反覆淮陰功成遭殺戮淮陰之才
天下奇淮陰去漢蕭何追登壇剖畫謀何壯楚漢存亡

如指掌權謀絕世難為忠勲業震主難為功陳平躡足
計多詐留侯附耳言非公漢王之恩誠太薄雲夢歸來
遭束縛胸通力說心猶恪噲等為儕心不足淮陰之才
非碌碌漢業功成一何速淮陰侯不可復天下蒼生自
魚肉

五言古詩

感興二十一首

吾觀陰陽化一氣何翕張卑高奠神極四海環其疆神

堯察星紀虞舜窮璣衡大聖久不作列宿昭迴光天旋
九地底日出扶桑傍誰能駕陽龍洞然窺八荒周髀今
何在與爾談天章

天地一噓吸潮汐互來往陰陽一晝夜二氣相消長吾
觀旋穹運乾健不可息太區一塵聚負戴萬古力百川
日振蕩歸虛浩無測乾坤豈終窮消長不盈尺誰能叩
玄冥為我剖胸臆

仲尼生而聖天意固有在周流困車轍浩歎欲浮海暮

年歸魯邦懿德垂紀載遺經何粲然星漢發光彩赫赫
文武功巍哉唐堯治百年遵憲章萬世咸仰賴微乎吾
仲尼於今世猶贊

太公起東海伯夷餓西山殷祀既革命武王乃誅殘如
何叩馬諫英氣凜莫干聖賢一出處節義斯得完俯仰
百世下懿德兩不刊嗚呼振倫教沉思良獨難

伊尹放太甲聖人用其權周公戮管蔡大德無毫愆堯
舜昔授受執中乃經傳經權兩適用天道何猶偏仲尼

作春秋幽光耿遺編一朝雖無位垂訓無窮年

張儀作秦相變詐如狐狸奸風長澆偽仁義不足施蘇秦復繼起談辨誇雄詞乾坤何擾擾正氣有醇醕頽波一泛濫民生正堪悲吁嗟鬼谷子吾欲誅其魅

漢祖起豐沛寬仁伐強羸仗劍出大澤卓然炎運興鄒軻述孔道遺言炳如星虞舜竊父逝天下鴻毛輕太公陷鼎鑊岌岌逃餘生沐猴果何人迺欲分杯羹吾賢重瞳子獨匪人中英

鳳凰不長見舉世稱其名麒麟出非時仲尼勞歎聲傳
說居版築豈擬圖丹青諸葛卧南陽草廬以終生治殷
作霖雨佐蜀歎無成忠心昭萬古日月當天明長疑山
谷間麟鳳或潛形願聆韶樂奏雍雍共和鳴

秦帝掃六合漢武開邊疆雷霆肅號令日月昭輝光搏
桑海日出駕石驅橋梁徐市去不返溟波浩茫茫嵩高
一登覽山呼撼穹蒼漢史豈足紀誣言有荒唐蓬萊何
時到白骨歸山岡惜哉英雄主弱弄非剛強

庖犧古聖皇畫卦發天秘神農始教耕民生臻大利大哉帝軒轅作律明歲紀垂衣坐彤庭禮樂由此始皇風扇六合帝德深九地胡為崆峒山問道廣成子遂令秦漢後戀慕心不已飛龍杳難攀千秋鼎湖水

羿后竊靈藥奔飛明月中獨居瓊臺上與月同始終吾知太陰魄固無樓與宮狡婦實不死遁跡將為容長憐孟氏子側身事梁鴻白骨可速朽懿德垂無窮

周公稱大聖成王匪昏君分雖君臣義親實叔父尊胡

為伯仲間四國競流言三年歸東國兀艱心不安皇穹
豈茫昧大風播乾坤苟無金縢書精意竟莫宣吾觀君
臣際會合良獨難緬懷周公德巍巍動天闕

東漢黨錮禍一網羅羣雄邦國既殄瘁哲人遘其寃泰
山日以踣拳石難為功空言竟無補高議何凜凜晉氏
得天下清虛以為宗惜哉王謝氏揚波蕩其風

荀卿語性惡秦皇遂焚書李斯悍而愎竟不逃嚴誅寒
瓜熟坑土機穿坑羣儒激水乃過頽順流豈長趨天下

可立取諸侯血相屠舜禹不足法伊臯真鄙夫驪山骨
未朽咸陽已丘墟惜哉蘭陵老巍冠講唐虞萬古闕墳
典大妖豈其徒片言有失謬斂卷吾長吁

吾觀驪珠瑩神光何湛潔置之玉壺中碧海照寒月聖
人天質清表裏洞虛徹羣愚萬不同形氣有差別大易
函性初理妙不容說孟軻有深功卓哉聖門傑恭惟濂
洛儒英論相間發不有日月光爝火猶未滅

太極一動靜陰陽互為根元機浩不息變化無窮門翳

我及萬物父乾而母坤聖賢既克肖兢兢道何尊我豈
草木儔能無究其源軒昊久不作戰國多荆榛世道亦
已喪澆風蕩醇源懷哉唐虞治雍雍蹈吾仁

泰山何蒼蒼雄鎮屹鄒魯層雲起膚寸大澤滋九土孟
軻仁義儒懿德垂萬古高辭動君王浩氣塞寰宇人生
天壤間積厚施必溥若為大鵬飛九萬斯一舉

天地一虛吸潮汐互來往陰陽一晝夜一歲相消長我
生人世間一身有天壤天地寧有終我已歸惚恍仲尼

欲知來百世如指掌區區小智徒推測勞臆想吾觀佛
氏書醯雞談甕盎

仲尼談六經萬古昭星月下視莊老徒餘光似飛燭苟
揚雖多歧惟命非所述卓哉王仲淹希聖猶彷彿千秋
河水間忽若鄒魯邑顏生乃無言造化此中畢

燕昭築金臺欲致天下士燕齊不共天一旦雪餘耻我
聞古聖王修德本諸已伊臯賓夏商四岳佐堯治鳳猶
覽德輝士肯為金起遺風何寥寥布衣甘老死吁哉燕

昭王此意獨甚美

黃河衣帶水無能測其源到今有遺恨不得窺崑崙古人亦謬哉飛波自天端太虛浩無際元氣為之根清濁一以判卑高定乾坤誰云九天上可使層波翻漢帝亦草草西行使張騫

銘一首

銘者銘其器以自警之辭也蓋觀古人有座右之作非銘其器直銘其言尤為簡要余切慕之謹述

韻語三百字揭諸座隅朝夕觀覽蓋非敢以擬諸
昔賢聊以示諸子云耳

伊昔古聖皇性中有天理勲業德如天孝悌而已矣禹
湯及周孔大道同一軌天機幹元化乾健無息止人生
於其間秉德斯懿美此心本虛明塵翳或為滓學雖慕
前修論恐墮凡鄙鼎鼎百年內歲月白駒駛草木易成
灰聖哲元不死戰兢恒自持凜若涉淵水惟仁思吾居
非義勿吾履宅心在中正作事不偏倚孝乃德之先敬

乃行之始禮意睦姻親誠心接閭里有善推於人有過
責於己小忿須必懲大惡或不彌善端默無見福報還
可殃禍招必有根人病不察耳禍福在吾心昭晰甚明
燁有失莫甚憂有得莫甚喜無貪即無求有譽還有毀
得失在吾心毀譽在乎彼富貴有時來貧賤寧足耻窮
達聽於天壽天難預擬我謙吾自吾彼作爾為爾人心
曲如鈞天道直如矢高明乃真儒固瘁匪嘉士聖途雖
甚遠涉遠必自邇恭惟百世師懷哉我夫子

讀史四首

東都黨錮起漢祚既亦衰老瞞憚名義大業歸曹丕昔
聞商王紂暴虐日以滋西伯終北面武王始戎衣曹氏
父子間其跡頗擬之如何百世下直筆不可欺失得置
勿論秉心在公私至哉文王德千載有光輝

太宗剪隋亂英武如神明惜哉絕世主所學竟非成賞
忠樂諫爭廷辱疑臣卿蘊古未為過亟死遭嚴刑漢主
六七作文帝臻隆平恭儉出天性懿德久逾真二君屹

相望允稱漢唐英功業在青史班班如日星

武氏毒天下餘殃及三思誰歟補天手取日夾以飛陽
剛黠微照雌蜺弄陰機元功竟菹醢楚酷豈勝悲絳侯
昔平亂烈烈功可追無寧涉虎尾將使反噬為邪根既
不去虐燄復張輝愚黠固勝負五王胥失之

秦隋國命促再傳已非君儲皇值根本竊弄由他人傷
哉讒佞口得間父子親向使二君在漢唐尚稱臣如何
望思臺泣然淚沾巾江充族竟滅沉冤果何伸秦王亟

承統喋血至禁門獲罪不少貸元功寧足論

懷古二首

冥坐忽不語我心懷古先淳龐太昊氏皞皞羲皇年宮
室何草草被服無華鮮紀歷且未備流光自推遷大朴
一以散民心自彫鐫水清網罟密四海無蜿蜒天地不
加小人民不加繁征誅何時息鞭朴日囂喧大聖久不
作古道留遺編清風北窓下展卷真忘言此心苟不龍
此心常悠然

今辰忽有往我懷不可極靜觀天地化萬物各有適丈
夫生世間而乃心役役江湖饒風波道路足荆棘山中
有好鳥水中遊魚光景那可得不樂待何時

母壽

二儀運樞機大化神妙理至哉慈母恩胚毓有諸已憶
初墮地年歷歲忽四紀夭夭寸草心爛漫春日美載觀
流水波浩蕩無息止壽齡既亦高可懼還可喜古云七
十稀躋壽從此始鶴骨清以癯素髮垂兩耳有子今何

為祿薄淡甘旨萱花燦北堂
燧燧吐芳蘚獻此清苦心
榮寵殊足耻綵衣何燦然
長憐老萊子

秋日遊薛元卿園亭

小軒風日清野色動遙矚
山蟬發古奏江水醞春綠高
松歛畫霧飛露洒秋玉悠哉
歸興長白雲滿雙足

讀陸宣公奏議

有唐三百年賢相六七作偉哉
陸宣公忠烈宏烜赫奏
書數百篇千載煥丹雘鬱鬱王佐才淵淵深泗學溥施

經濟功歷吐匡君略惜哉生不辰乃致身遭阨溫其玉
無瑕粹然金有爍我觀唐室中國步實再憚頗於艱難
際獲覩二三策君心變安危臣志惟謇謗忠良世無幾
諛佞日累百究竟誰為功忽棄遺草澤但餘青史中英
論輝簡冊高風凜如在開卷知吾獲長歌思古人泣然
清淚落

燕楊氏書樓答張士行

士行先生懷才抱道隨時隱見其器度深遠固未

易以窺測然幽情雅韻發於吟咏有以泄其湮鬱
之氣歲癸巳秋八月二日偶寓楊氏書樓夜分匡
坐四顧寂寥念時序之相關竟紛華之易謝而况
兵革未輯羈罿肆華民生不遑底寧術業竟安所
效思遠何窮情感不已相與操筆獨吟飛章遠寄
辭采溢目義理沃心三歎之餘朱絃疏越然未足
喻其意勉續高韻以答先施雖不能如古人所和
之心為美世所沿習聊循其轍耳惟高明亮之

老驥倦伏櫪慨想伯樂馭悠哉壯士心歲月感庭樹誰
憐青雲姿迥隔丹霄路况此烽塵秋履道蹶幽步腥風
滿天地末俗吁可惡周德固自珍危論未堪吐落落青
松高岑岑碧山故頗欣巢許遊復悅黃綺遇端期芝嶺
居永謝草廬顧靜觀聲利徒變滅等飛露頽陽既西流
逝水復東注冥心了神化至理匪難悟才哀甚吾憂德
立喜君具披章分夜吟洒筆良朋預清知冰雪心響雜
瓊瑤語玄酒味方淡太羹還可飫懷哉古人風共樂君

子素尚期黃髮交庶足慰遲暮

七言古風

題李太白畫像

函闕有客乘青牛西遊直上崑崙丘長庚一點落人世
飄然又作人間遊虬龍之姿風雨筆六代無人氣蕭瑟
驪珠萬斛起光芒天地無雲星斗濕泰山不動黃河清
美人一去三千齡天風何處炎毛骨月明滄海騎長鯨

題劉平妻殺虎圖

渤海壯婦劉平妻寶劍三尺風淒淒夫行夜宿棗陽戍
缺月墮地山雲低南山白額半夜走嗟哉劉平落虎口
婦起操刀探虎窟虎口完身奪夫骨英風動天髮卓豎
眼惟見夫不見虎提虎肉招夫魂女中乃有裴將軍

題越王廟

會稽山北越王廟石室半欹蒼蘚老卧薪嘗膽竟何年
滿目風煙顏鬢槁吳江白浪聲咆哮素車不見秋乘濤
姑蘇一戰耻已雪壯志自逐秦山高獲麟却感春秋筆

氣壓秦齊倡中國黃金已鑄范陶朱清廟自愁吳泰伯
荒臺碧草秋離離燐光夜走天無輝故山卧龍不復起
海天化鶴何時歸嗟哉風塵吾老矣獨想英雄弔荒屺
鎧鋸龍劍如霜雪一斬旄頭獻天子

遊吳縣天平山范莊

乃文正公義莊也

為儒始信為農樂林屋蕭蕭住縠薄大溪小溪作襟帶
疊嶂層巒似城郭秋深黍熟山果收紫栗如拳豆垂角
我行終日疲兩眼竹杖芒鞋信雙腳老翁八十髮如絲

雙手叉胸言錯愕門前見客疑且迎喚婦張燈事藜藿
自言去縣百餘里山路崎嶇溪水惡平生不識州與府
天上何人坐黃閣吁嗟世教日沉淪古道凋零奸偽作
天陰雨黑走狐狸暮四朝三養猿狹山中民物自鴻龐
雞犬比隣長淳朴羲農去國幾春秋秦漢遺民有耕鑿
嗟予逐逐何所為膏火熒煌自銷爍何時築室問桑麻

白石清泉老丘壑

答董大參

虎頭將軍眼如電行兵偶向山中留玉函古劍掛明月
竹屋瑤琴橫素秋袞龍正照紫微闕綵服徑過黃河流
自憐燕雀羽翼短碧落仰羨飛鴻遊

答楊廉夫遊太湖二十八韻

鐵公老氣角韓孟手拔鯨牙力雄橫大舟撇過扶桑津
勺水杯浮具奩鏡渼陂主客將無同赤壁雅有坡仙風
縞衣飛來天際鶴鐵笛喚起潭中龍黑浪如山起還伏
海猊江豨閃人目須臾淨展白銀窩玉淵澄見鮫絲幅

隱隱飛簾六鰲舉水底鼉鳴擊天鼓湘妃起舞踏輕波
漢女清歌隔秋浦百壺載酒嚮瓊瑤炮鱉膾鯉芬牲牢
酒酣握手戰矛稍風雨颶颶吹鴻毛公乎本是龍頭士
憶昔龍庭拜天子顛崖蘇息問蒼生八九胸吞洞庭水
江湖浪漫將如何海國浩渺親鯨鼉從知事功不可緩
忽覺歲月來無多高風崔嵬誰復識日羅猶需大倉食
春秋筆法正乾坤獨抱遺經守殘闕紫微帝君環北斗
執筆寧淹太玄叟願披九虎闢玄闕驛騎雙飛使星走

倒騎箕尾執天綱黃屋賡歌佐元首

七言律詩

失題

獨攜孤劍過長淮驛使傳書每自裁萬里青雲增激烈
一樽綠酒重徘徊雞鳴荻屋人初起舟發蕪湖潮欲催
遐憶買臣身未老錦衣何日賦歸來

五言長律

送達兼善赴禮部尚書

天選龍頭榜霜清豸角冠聲華輝玉牒文彩耀金鑾
百越輿圖舊孤城海霧漫一麾曾出守五馬重盤桓惠
澤留千古儀刑竦衆觀思親徒慘切築室正屹墳野衲
鄰秋枕林猿傍夕餐秦碑磨孝節禹穴照忠肝威鳳宜
翔翥神蛟暫屈蟠帝思商野說人仰泰山韓戀闕雲霄
近乘空雨露溥尚書新寵命宗伯古春官禮樂遵遐邇
華夷樂以安匡時當髮黑報國但心丹淛浦潮生港河
流雪擁灘槎飛星渺渺珮遠玉珊瑚羣士攀車轍都人

望馬鞍趨朝聞履舄披腹見瑯玕任即鈞衡重功垂竹
帛看恩私在天下麟閣起雲端

鄱陽五家集卷十一